

**Yang Di-Pertuan Agong Rasmi Persidangan Dewan Rakyat Penggal Keempat  
Bernama  
07 March 2011**

KUALA LUMPUR, 7 Mac (Bernama) -- Yang di-Pertuan Agong, Tuanku Mizan Zainal Abidin pada Isnin merasmikan pembukaan penggal keempat persidangan Parlimen ke-12.

Terdahulu Seri Paduka memeriksa barisan kawalan kehormatan di Dataran Parlimen yang terdiri daripada empat pegawai dan 103 anggota Batalion Pertama Rejimen Askar Melayu Diraja dari Kem Sungai Besi di sini yang diketuai Mejar Ahmad Muzaimi Mohd Ali.

Serentak dengan upacara itu, 21 das tembakan meriam dilepaskan.

Turut berangkat ialah Raja Permaisuri Agong Tuanku Nur Zahirah.

Ia turut dihadiri Perdana Menteri Datuk Seri Najib Tun Razak, isteri Datin Seri Rosmah Mansor, Timbalan Perdana Menteri Tan Sri Muhyiddin Yassin dan isteri Puan Sri Norainee Abdul Rahman, menteri-menteri Kabinet serta perwakilan asing.

Dewan Rakyat akan mula bersidang Selasa hingga 7 April.

Source: BERNAMA